四 庫全

書

薈

要・乾

隆 御

即览本史部

欽定四庫全書管要史部

詳校官員外部臣楊世綸



始賜衣憤引見皆惶懼失措数日之問富貴赫奕 公肇弟顧為澄城公三人同日受封魏主素未識諸舅 たこう 爵勃海公諡曰故以其嫡孫猛襲爵封后兄華為平原 **戍鞍皇后配餐高祖增修舊家號終寧陵追賜后父殿** 通鑑紀事本末卷二十二上 宋 肇忠用事 香候永元元年夏六月戊辰魏追尊皇妣高氏為 . d. 1. 1 | 通鑑肥事本水 袁樞 撰

替奏於魏主奏坐沉廢果年 和帝中與元年魏主時年十六不能親决庶務委之左 三年魏冠軍将軍站皓以巧思有寵於帝常在左右 二年冬十一月魏主納高肇兄偃之女為貴嬪 陽趙邕及外戚高肇等始用事魏政溪衰 梁武帝天監元年冬十二月魏陳留公主寡居僕射甚 於是俸臣站皓趙郡王仲與上谷冠猛趙郡趙修南 秦州刺史張舜皆欲尚之公主許舜而不許肇肇怒

页匹居全世

*ニナニエ

飲定日華 de Alis .■ 帝既熙六輔詩成陽王禧專委事於肇肇以在朝親族 至少乃邀結朋援附之者旬月超擢不附者陷以大專 幸於帝與皓相表裏賣權勢高肇系出高麗時望輕之 如詳然於變如由是與皓益相昵押直問將軍劉胄本詳 娶尚書令高聲從妹皓妻之姊為詳從父安定王變之 可門下奏事丟權納賄朝野憚之北海王詳亦附馬皓 忌諸王以詳位居其上改去之獨執朝政乃踏之於 引為殿中將軍常季賢以善養馬陳掃静掌櫛皆得 通鑑紀事本末

母妻隨入給小奴弱婢數人團守甚嚴內外不通五月 尉崔亮入禁中使彈奏詳貪淫奢級及皓等四人怙 帝云詳與皓胄季賢掃靜謀為逆亂夏四月帝夜召中 贪横收皓等繁南臺遣虎賣百人圍守詳第又應詳驚 與我物我實受之話朝有司奏處皓等罪皆賜死帝 髙陽王雍等五王入議詳罪詳單車防衛送華林園 詳曰審如中尉所斜何慶也正恐更有大罪横至耳 逃逆遣左右郭翼開金墉門馳出諭吉示以中尉彈 - 1

班往 伏子渐 侍中崔光光上表口漢元帝初元中丞 禁彌急母妻皆還南第五日一來視之詳暴卒詔有司 以禮殯其先是典事史元顯獻 **竟寧元年石顯伏辜此其效也靈帝光** 未朔下詔有詳死免為庶人項之徒詳於太府寺 雞者小畜主司時起居人小臣 化為雄但頭冠未變詔以問議郎蔡邕對回頭 化為 雄冠距将鳴永光中有獻 () Y On (s Bus fear 雞 维 執事 四翼四足詔 和元年南宫寺 雄 相府史家唯 雞 為政之象 生角劉 ン

為元首人君之象也今難一身已變未至於頭而上知 以向岂言推之翼足東多亦羣下相扇助之象離而未 之是将有其事而不遂成之象也若應之不精政無所 今之雖狀雖與漢不同而其應頗 頭冠或成為患滋大是後黃中破壞四方天下遂 定匹库全書 以致福或者今亦有自賤而貴關預政事如前世石 以示吉凶明君親之而懼乃能致 羽差小亦其勢尚機易制御也臣聞災異之見皆 ★二十二十月 相 福閣主觀之而慢 類誠可畏也臣

|陪等伏誅帝愈重光高肇說帝使宿衛隊主即羽林虎 **贵守諸王第殆同幽禁彭城王賜切諫不聽** 顯之比者邪願陛下進賢熙任則妖拜慶集矣後數日 七年春三月戊子魏皇子昌卒侍御師王顯失於療治 **昏睎咎髙氏宫禁事秘莫能詳也** 六年高貴嬪有寵而妬高肇勢傾中外后暴疾而殂人 魏主委任高肇疎簿宗室好桑門之法不親政

2

1 da 1/2 hours

通鑑把事本末

時人皆以為承高聲之意也 金灰田田田下 太常劉芳議權量事肇主芳議匡遂與肇喧競表肇指 鹿為馬御史中尉王顯奏彈匡誣毀宰相有司處匡死 下之唯度支尚書元匡與肇抗衛先自造棺置聽事欲 减削封扶抑點數人由是怨聲盈路羣臣宗室皆里 詔恕死降為光禄大夫 棺請闕論肇罪惡自殺以切諫肇聞而惡之會匡與 為皇后尚書令高章益貴重用事聲多變更先朝舊 基二十二上 初魏主為京兆王愉納于 秋七月甲午魏立高貴

大赦改元建平立李氏為皇后法曹參軍崔伯驥不從 偷不勝忍及亥殺長史羊靈引司馬李遵詐稱得清 案杖偷五十出為冀州刺史偷自以年長而勢位不及 二弟潛懷愧恨又身與妾屢被順辱高肇數 入宫極之偷驕奢貪縱所為多不法帝召偷入禁中推 |懌密疏云髙肇弑逆遂為擅於信都之南即皇帝位 殺之在北州鎮皆疑魏朝有變定州刺史安樂王詮 譖 偷兄弟

之妹為如偷不愛愛妄李氏生子寶月于后召李之

欴

定日車全書

•

通鑑紀事本末

雅構成其事肇令侍中元暉以聞 太守京兆王愉之及有僧固與之同聲因誣點北與 之立也彭城武宣王赐固諫魏主不聽高肇由是怨之 珍言之帝以問暉暉明脇不焦又以問聲聲引魏偃 以状告之州鎮乃安乙丑魏以尚書李平為都督北 諸軍行冀州事以討喻平崇之從父弟 **點於魏主魏主不之信點薦其舅潘僧固為長樂** 招蠻賊彭城郎中令魏偃前防問高祖珍希肇提 暉 不 從又令左衛 也 魏髙

祖珍為證帝乃信之戊戌召賜及萬陽王雍廣陽王嘉 牛人挽而進宴於禁中至夜皆醉各就別所消息俄 不赴中使相繼召之不得已與妃訣而登車入東掖門 珍引武士齊毒酒而至賜曰吾無罪願一 恨元珍曰至尊何可復見賜曰至尊聖明不應無 河王懌廣平王懷高肇俱入宴賜如李氏方産固 格牛不肯進擊之良久更有使者責賜來遲乃去 見至尊

殺我乞與告者一對曲直武士以刀鏍築之勵大言曰

通經紀事本末

六

舉哀於東堂贈官其禮皆優厚加等在朝貴賤其不喪 宽哉皇天忠而見殺武士又築之賜乃飲毒酒武士就! 哭失言曰高肇枉理殺人天道有靈汝安得良死魏主 等遣統軍叔孫頭追執偷置信都以聞羣臣請誅偷魏 子從百餘騎突走李平入信都斬偷所置真州牧章超 之益甚京兆王愉不能守信都癸卯燒門攜李氏及四 **近四月全吉** 之向晨以稱裏尸載歸其第云王因醉而薨李妃號 行路士女皆流涕曰高令公枉殺賢王由是中外惡

宜為表陳平從之皆得免死罰祐之孫也濟州刺史高 令崔光諫曰李氏方姓刑至刳胎乃桀紂 弗許命鎖送洛陽中以家人之訓行至野王高於 乃其常節何敢求賞植肇之子也加李平散騎常 殺之録事參軍高 人殺之諸子至洛魏主皆赦之魏主將屠李氏中 州軍擊偷有功當封植不受口家荷重恩為國 俟產畢然後行刑從之李平捕偷餘黨千餘人将 題曰此皆齊從前既許之原免矣 所為酷而

1. C. C.

通监犯事本末

高肇及中尉王顯素惡平顯彈平在冀州隱截官口肇 奏除平名 司徒清河王懌為司空廣平王懷進號驃騎大将軍加 灾匹月夕言 年春正月丙辰魏以車騎大将軍尚書令高隆 孝二十二と

業及肇為司徒綽送迎往來軌竟不話肇綽顧不見動

延歸嘆口吾平生自謂不失規矩今日舉指不如卦

見者唯之尚書右丞髙綽國子博士封執素以方直自

儀同三司肇雖登三司猶自以去要任快快形於言色

言於魏主曰昔季氏旅於泰山孔子疾之誠以君臣之 曲亦恐終成亂陷會大旱牽擅録囚徒欲以收衆心懌 朝之終盡皆王莽頭禿籍渭陽之資遂篡漢室今君身 望懲彭城之禍因侍宴謂肇曰天子兄弟詎有幾人而 分宜防微杜漸不可瀆也减膳録囚乃陛下之事令司 一遠矣綽允之孫軌懿之族孫也清河王懌有才學聞 亂之基於此在矣帝笑而不應 行之豈人臣之義乎明君失之於上姦臣竊之於 and di dan 1 通鑑記事本末

恐不為澄等所容與中常侍孫伏連等密謀寢門下 柏堂省决庶政以任城王澄為尚書今總攝百揆奏皇 及世宗祖肇擁兵於外朝野不安領軍将軍于忠與 下議以肅宗幼未能親政宜使太保高陽王雅入居西 文四月 全世 忌宗室有時望者太子太保任城王澄數為肇所 四年春正月魏世宗殂太子詡即位先是高肇擅權 不自全乃終日酣飲所為如狂朝廷機要無所關 即教授王顯素有罷於世宗恃勢使威為世所

悴歸至瀍澗家人迎之不與相見辛已至闕下衰服號 告哀於高肇且召之還肇承變憂懼朝夕哭泣至于 為侍中于忠等聞之記以侍療無效執顯於禁中下詔 奏矯皇后令以高肇録尚書事以顯與勃海公髙猛 宿而死庚申下詔如門下所奏百官總已聽於二王 爵任顧臨執呼竟直閣以刀録撞其掖下送右衛司 升太極殿盡哀高陽王雍與于忠密謀伏直寝邢 外脫服二月庚辰尊皇后為皇太后魏王稱名為書

通鑑紀事本末

等十餘人於舍人省下聲哭畢引入西廳清河諸王皆 寫言目之肇入省豹等益殺之下詔暴其罪惡稱肇自 盡自除親黨悉無所問削除職爵其以士禮遠昏於厠 廷處之不髙意常快快表請解官隱萬山世宗不許 權傾一時 須我每入參議論好面讓毀羣官又表征南将軍田 出户歸其家 之及為尚書志氣驕滿每謂人曰非我須尚書尚書 魏尚書裴植白謂人門不後王肅以朝 魏于忠既居門下又總宿衛遂專朝

益宗言華夷異類不應在百世衣冠之上于忠元昭見 解尚書望封侯儀同詔以作為都督雍岐華三州諸軍 一曲欲圖于忠臣等窮治醉不伏引然衆證明柄準律 羊扯告植姑子皇甫仲達云受植古詐稱被詔師合部 死衆證雖不見植皆言仲達為植所使植召仲達責 切齒尚書左僕射郭祚同進不已自以東宫師傅列 王雅使出之忠聞之大怒令有司誣奏其罪尚書奏 征西将軍雅州刺史祚與植皆惡于忠專横密勸高

||欽定四庫全書 獄有 忠又欲殺高陽王雍崔光固執不從乃免雍官以王還 與郭祚及都水使者杜陵韋為時賜死傷祚之昏家也 為尚書令特進加儀同三司 有歸 不告列推論情状不同之理不可分明不得同之常 依律上議乞賜裁處忠矯詔曰凶謀既爾罪不當恕 朝野冤愤莫不切茜 降減計同仲達處植死刑植視師城東附從王 化之誠無容上議亦不須待秋分八月已亥植 į 基二十二上 庚寅魏以車騎大将軍于忠 自郭作等死詔令生

宗許其優轉太傅雍等皆不敢違加忠車騎大将軍 忠又自謂新故之際有定社稷之功諷百僚令加已 事征北大将軍冀州刺史 如咸曰不稱厥任乃出忠為都督冀定瀛三州諸 U all m and J. La W 后引門下侍官於崇訓官問曰忠在端右聲望 雍等議封忠常山郡公忠又難於獨受乃諷朝廷 过程把事本末 初魏于忠用事自言世 +

侍中領軍崇訓衛尉止為儀同三司尚書令後旬

皆出于忠王公畏之重足脅息太后既親政乃解忠

其成權尚免暴戾故也若以 門下臣出君行深知不可而不能禁于忠專權生殺 傅懌等上言先帝升遐奉迎乘與侍衛省問乃臣 常職不容以此為功臣等前議授忠茅土正以畏 縣公而尚書元昭等上訴不已太后較公卿再議 在門下者皆加封邑雍等不得已復封崔光為博 追奪崔光亦奉還章級茅土表十餘上太后從 陽王雅上表自劾稱臣初入柏堂見詔旨之行 冬二十二上 功 遇 相除悉不應賞請

灾匹周生言

後皇太后未親覽以前諸不由階級或發門下部 領崇訓衛尉原其此意欲以無上自處既事在恩後 聽司敗太后以忠有保護之功不問其罪 命裴郭受冤宰輔點辱又自矯古為儀同三司尚書 五年春二月魏中尉元匡奏彈于忠幸國大災專擅 在心未行及為忠廢忝官尸禄孤貿恩私請返私門 教請遣御史一人就州行决自去歲世宗異駕

MI DI AD AL ALIA

通鐵把事本木

恣而臣不能違忠規欲殺臣賴在事執拒臣欲出忠於

追奪太后令曰忠已蒙特原無宜追罪餘如奏 夏四 或由中書宣教擅相拜授者已經恩有正可免罪並宜 裴叔紫鎮壽陽為南熊太守與叔業有隙單騎舞魏 梁武帝天監四年 初熊國夏侯道遷以輔國将軍從 十七年春三月辛未魏靈壽武敬公于忠卒 封忠為靈壽縣公 魏胡太后追思于忠之功曰豈宜以一謬棄其餘勲 邢巒冠巴西 建二十二上

卒道遷東戍來奔從梁秦二州刺史莊丘黑鎮南鄭 子斬之并使者首送於魏白馬戌主尹天寶聞之引兵 假武都王助戍漢中有部曲六百餘人道遷憚之上遣 以道遷為驍騎将軍從王肅鎮壽陽使道遷守合肥肅 左右具公之等使南鄭道遷遂殺使者發兵擊靈珍 遷為長史領漢中太守黑卒詔以都官尚書王珍國 刺史未至道遷陰與軍主考城江忱之等謀降魏先 仇池鎮将楊靈珍叛魏来犇朝廷以為征虜将

於定四事全書

通鑑紀事本末

擊道遷敗其將龐樹遂圍南鄭道遷求救於氏王楊紹 擊天寶殺之魏以道遷為平南将軍豫州刺史豐縣侯 **肖據石亭戀遣統軍李義珍擊走之魏以艦為梁秦二**)楊集義楊集起皆不應集義弟集朗獨引兵救道遷 以尚書那鑑為鎮西将軍都督征梁漢諸軍事将兵 刺史巴西太守靡景民據郡不下郡民嚴玄思聚衆 之道遷受平南解豫州且求公爵魏主不許 魏邢懋至漢中擊諸城戍所向摧破晉壽太守王景 夏ニオニノ

擊破之夏四月冠軍将軍孔陵等将兵二萬戍深坑魯 克漢中而懼閏月即羣氏叛魏斷漢中糧道戀屢遣 進擊破之梁州十四郡地東西七百里南北千里皆入 白稱巴州刺史附於魏攻景民斬之楊集起集義聞魏 于魏初益州刺史當陽侯鄧元起以母老乞歸詔徵為 方達成南安任僧褒等成石同以拒魏邢經遣統軍王 足将兵擊之所至皆捷遂入釼閣陵等退保梓潼足又 衛将軍以西昌侯淵藻代之淵藻懿之子也夏侯道

R 20 Bl Latin

通燈紀事本末

藻惠因醉殺之元起麾下圍城哭且問故淵藻曰天子 並遣告急衆勸元起急殺之元起曰朝廷萬里軍不猝 遷之叛也尹天寶馳使報元起及魏冠晉壽王景尚等 匆 有詔衆乃散遂誣以反上疑馬元起故吏廣漢羅研請 入城恨之又求其良馬元起曰年少郎子何用馬為淵 陷蕭湖藻将至元起營還裝糧儲器械取之無遺淵藻 至若冠賊浸淫方須撲討董督之任非我而誰何事勿 教之詔假元起都督征討諸軍事救漢中而晉壽已

乃香附 軍贈元起征西将軍諡曰忠侯 1.1 - J. J. L. .. 側乃乘平肩與巡行賊壘賊弓亂射矢下如雨從 輕梁之政刑於斯為失私戚之端自斯而啟年之不 不亦宜乎 未弱冠集僚佐議自擊之或陳不可淵藻大怒斬 訟之上曰果如我所量也使讓淵藻曰元起為汝 功惟闢土勞之不圖禍機先陷冠軍之貶於罰 懶報讎忠孝之道如何乃貶淵藻號為冠軍 益州民焦僧護聚衆數萬作亂蕭淵 李廷壽論曰元起動

舉精禦矢淵藻命去之由是人心大安擊僧該等否平 以為建康成都相去萬里陸行既絕惟資水路水軍西 **省等又與祖遷戰敗景省等二十四将皆死** 軍紀洪雅盧祖遷戰敗方達等十五将皆死士子王景 民自上名籍者五萬餘户那戀表於魏主請乘勝取蜀 月魏王足圍涪城蜀人震恐益州城戍降魏者什二三 灾四月全書 非周年不達益州外無軍援一可圖也項經劉季 秋八月庚戌秦梁二州刺史魯方建與魏王足統 冬十一

骨內至親必無死理若克涪城淵藻安肯城中坐而受 五可圖也臣內省文吏不習軍旅賴将士竭力頻有 既克南安已奪其險據彼境內三分已一自南安向治 所任皆左右少年三可圖也蜀之所恃唯在劍閣今 鄧元起攻圍資儲空竭吏民無復固守之志二可 、將望風逃去若其出關庸蜀士卒爲怯弓夫寡弱 無礙前軍累敗後果喪魄四可圖也淵藻是蕭 淵藻震展少年未治治務宿昔名将多見囚戮今

20 A.J ~ Let J. din 1

通鑑紀事本末

蜀之舉當更聽後敢冠難未夷何得以養親為辭戀又 **匮未宜前出今若不取後圖便難况益州殷實户口** 萬比壽春義陽其利三倍朝廷若欲進取時不可失 既克重阻民心懷服膽望陪益旦夕可居正以兵少 欲保境寧民則臣居此無事之歸侍養魏主詔以平 以然者關實力也况臣才非古人何宜以二萬之衆 稱告鄧文鍾會師十八萬衆傾中國資儲僅能平蜀 基二十二上

而希平蜀所以敢者正以據得要險士民慕義此往

得洛則益州乃成擒之物但得之有早晚耳且梓潼己 須髮中白日夜戰懼何可為心所以勉殭者既得此 自退不守恐負陛下之爵禄故也且臣之意箕正 民户數萬朝廷豈可不守又鄉閣天險得而棄之良 之衝彼外無援軍孤城自守何能復持久哉臣令欲 惜矣臣誠知戰伐危事未易可為自軍度劒閣以來 彼来則難任力而行理有可克今王足已過活城 取涪城以漸而進若得涪城則中分益州之地斷 通数电事本末

鎮静夷檢梁州籍利因而表罷彼土民望嚴浦 遗恒 軍軍相次聲勢連接先為萬全之計然後圖功得 多生異圖凡道遷建義之始嚴玄思自號巴州刺 城以來仍使行事巴西廣東千里户餘四萬若於 利不得則自全又巴西南鄭 一多擾 雖率居山谷而豪右甚多文學風流亦為不 既遠不獲仕進至於州綱無由厠迹是以機 (動音在 南之日以其統館勢難曾立巴 卷二十二上 相 距十四百里去 何楊

能定蜀久之足自魏來犇那戀在梁州接豪右以禮 門太守張齊将兵敢益州未至魏主更以梁州軍司 國有魏主不從先是魏王以王足行益州刺史上遣 山羊祉為益州刺史王足聞之不悦 切齒仲遷懼謀叛城人斬其首以城來降 民以惠州人悦之罄之克巴西也使軍主李仲遷)渦於酒色費散兵儲公事語承無能見者經忿 通磁地事本末 輕引兵還遂

,鎮攝華獠則大帖民情從墊江已還不勞征伐

?

è

٠. 5

眼 五年春正月楊集義圍魏關城邢戀使建武将軍傅豎 梁武帝天監十二年夏五月壽陽久雨大水入城廬舎 紹先送洛陽楊集起楊集義亡走遂滅其國以為武興 討之集義逆戰擊破之乘勝逐北士申克武興執楊 附於女牆城不沒者二板将佐勘崇棄壽陽保北 又改為東益州 梁魏争淮堰 ,楊州刺史李崇勒兵泊於城上水增未已乃乘 楊集起兄弟相率降魏

1月 17 17

寒二十二上

動足百姓瓦解楊州之地恐非國物吾豈愛一身取愧 王尊但憐此士民無辜同死可結筏隨高人規自脫 <u>ج</u> 與別駕鄭 千家汎舟南走避水高原謂崇還北因自稱豫 在帳然驚恨報曰比因大水顛狽為衆所推 紿 此城俱沒幸諸君勿言楊州 5 叛未測虚實遣國侍郎韓方與軍 ٠. 5 祖起等送任子來請 通鑑記事本末 治中裝絢 降馬仙理遣兵赴 舸召 師城南民 紿

崇曰吾忝守藩岳德薄致災淮南萬里繁于吾身

李公乎乃投水死徇叔業之兄孫也鄭祖起等皆伏姓 将軍開府儀同三司萬户郡公諸子皆為縣侯而 得士衆心在壽春十年常養壮士數千人冠來無 拔其管絢走為村民所執還至尉升湖曰吾何面 士崇遣從弟寧朔将軍神等将水軍討之徇戰敗神 爾勢不可追恐民非公民吏非公吏願公早行無 上表以水災求解 敵謂之即虎上屢設及問以疑之又授崇車 州任魏主不許崇沈深寬厚有方 寒二十二上

主素知其忠篤委信不疑 三年冬十月魏降人王足陳計求堰淮水以淮壽

諸軍事并該堰作於鍾離役人及戰士合二十萬南 二十户取五丁以築之假太子右衛率康絢都督淮上 淮内沙土漂輕不堅實功不可就上弗聽發徐楊民率 一以為然使水工陳承伯材官将軍祖胆視地形成謂 山北抵巉石依岸築土合脊於中流

?

...

通鑑恕事本末

三

四年春三月魏左僕射郭祚表稱蕭行狂悖謀斷

城募緣淮之民以實城內將軍田道龍等散攻諸戍 潰或言蛟龍能乘風雨破堰其性惡鐵乃運東西冶鐵 演役苦民劳危亡已兆宜命将出師長驅撲討魏韶平南 将軍楊大眼督諸軍鎮荆山 皆穿夏日疾疫死者相枕蠅蟲畫夜聲合 《土其上縁淮百里内木石無巨細皆盡負擔者有下 一擊将軍趙祖悦襲魏西硤石據之以逼壽陽更禁草 數千萬斤沈之亦不能合乃伐樹為井幹填以巨石 夏四月浮山堰成而復 秋九月左

冬二十二上

進崇屢達期不至胡太后以諸将不壹乃以吏部尚書 亮進圍之 二月已酉魏雀亮至陝石趙祖悦逆戰而敗閉城自守 李平為使持節鎮軍大将軍兼尚書右僕射将步騎 五年春正月魏雀亮攻破石未下與李崇約水陸並 是冬寒甚淮泗盡凍浮山堰士卒死者什

飲定四車全書 ·

通鑑犯事本末

往亮攻西陝石又遣鎮東将軍蕭寶寅决淮堰

州刺史李崇分遣諸府拒之癸亥魏遣假鎮南将軍

義之與直問王神念亦准敢破石崔亮遣将軍博陵崔 軍昌義之将兵救浮山未至康絢已擊魏兵却之上使 已又敗将軍垣孟孫等於淮北李平至陝石督李崇崔 蕭寶寅遣輕車将軍劉智文等渡淮攻破三壘二月乙 十赴壽陽別為行臺節度諸軍如有乖異以軍法從事 亮等刻日水陸進攻無敢乖互戰屢有功上使左衛将 去輞削銳其輻兩兩接對揉竹為絙貫連相屬並十 伯守下蔡延伯與别将伊甕生夾准為營延伯取

進李平部分水陸攻陝石克其外城乙丑祖悦出降 斷趙祖悦走路又今戰艦不通義之神念也梁城不得 餘道橫水為橋兩頭施大鹿盧出沒隨意不可燒所 之盡俘其衆胡太后賜崔亮書使乘勝深入平部分諸 (平奏處亮死刑太后令曰亮去留自擅違我經略雖 水陸並進攻浮山堰亮建平節度以疾請還隨表報 小捷豈免大谷但吾攝御萬機庶幾惡殺可持聽以

功補過魏師遂還

三月魏論西陝石之功辛未以李

5

1 m.

通鑑配事本末

キニ

· 黃天所以節宣其氣不可久塞若鑿發東注則游波宽 丈高二十丈樹以杞柳軍壘列居其上或謂康絢曰四 崇為驃騎将軍加儀同三司李平為尚書右僕射崔亮 緩堰得不壞絢乃開發東注又縱反問於魏曰梁人所 進號鎮北将軍亮與平争功於禁中太后以亮為殿中 送其國廟及室家諸從還北寶寅表上其書於魏朝 夏四月淮堰成長九里下廣一百四十丈上廣四十五 魏蕭寶寅在淮堰上為手書誘之使襲彭城許

言謂已必掌其事既而康約以他官來監作豹子甚 東南以備再陽城壞居民散就岡龍其水清澈俯視盧 水日夜分流猶不減魏軍竟罷歸水之所及夾淮方 舍家墓了然在下初堰起於徐州境內刺史張豹子宣 百里李崇作浮橋於硖石戍間又築魏昌城於八公山 猶以事畢徵約還 而敕豹子受絢節度豹子遂語絢與魏交通上雖 開發不畏野戰蕭寶寅信之鑿山深五丈開發北注 秋八月康絢既還張豹子不復

の始也にんこ

修淮堰九月丁丑淮水暴漲堰壞其聲如雷聞三百里 出徐州来攻堰尚書右僕射李平以為不假兵力終當 任城王澄為上将軍大都督南討諸軍事勒東十萬将 梁武帝天監九年春三月丙戌魏皇子訥生大赦訥 自壞及聞破太后大喜賞平甚厚澄遂不行 胡充華臨涇人父國珍襲武始伯充華初選入掖庭同 定四庫全書 淮城戍村落十餘萬口皆漂入海初魏人患淮堰以 义幽后

第當長男生身死所不憾也既而生詡先是魏主頻喪 有娘同列勸去之充華不可私自誓曰若幸而生男次 之志異於諸人奈何畏一身之死而使國家無嗣乎及 列以故事祝之曰願生諸王公主勿生太子充華曰妾 别宫皇后充華皆不得近 皇子年漸長深加慎護擇良家宜子者以為乳保養於 二年秋八月魏主幸東宮以中書監崔光為太子少 年冬十月乙亥魏立皇子詡為太子始不殺其母 孟

通艦犯事本京

傅 定四库全書 四年春正月甲寅魏主有疾丁已殂於式乾殿侍中 老二十二上

中書監太子少傅崔光侍中領軍将軍于忠詹事王顧

忠庶子代人侯剛迎太子詡於東宫即皇帝位高后欲 計於崔光光便置貴嬪於别所嚴加守衛由是貴妃 胡貴嬪中給事熊郡劉騰以告侯剛剛以告于忠忠

徳四人

二月庚辰尊皇后為皇太后已亥尊胡貴

嬪為皇太妃三月甲辰朔以髙太后為尼徒居金墉

太僕加侍中侯剛為侍中撫軍将軍又以太后父國珍 **妃為皇太后居崇訓官于忠領崇訓衛尉劉騰為崇訓** 白 為通直散騎侍郎义妻為新平郡君 為光禄大夫 光寺非大節慶不得入宫 請皇太后臨朝稱制九月乙未靈太后始臨朝 聰 胡國珍侍中封安定公 悟頗好讀書屬文射能中針孔政事皆出手筆 魏江陽王繼之子义娶胡太后妹以义 秋八月丙子魏尊胡 仍拜女侍中羣臣 聴

2 9

| da.

通鑑紀事本末

孟

臣為謔不言王后夫人明無適臣家之義夫人父母在 光表諫曰禮諸侯非問疾吊喪而入諸臣之家謂之君 帝族方行熱貴增遷祗請遂多将成奏式願陛下簡息 有歸寧沒則使卿寧漢上官皇后将廢昌邑霍光外祖 十五年秋九月魏胡太后數幸宗戚勲貴之家侍中崔 遊幸則率土屬賴含生仰悅矣 親為宰輔后猶御武帳以接羣臣示男女之别也今 女臣 月 人 魏官者劉騰手不解書而多茲講

在定州唯不将中山宫来自餘無所不致何可更復叙 太后欲及其生而贵之九月癸未朔以騰為衛将軍加 用遂廢于家琛乃求為騰養息賂騰金寶巨萬計騰 之言於太后得無都官尚書出為秦州刺史會騰疾篤 同三司

飲己日華全書 ■

通经紀事本末

主

子也為定州刺史以貪縱著名及罷州還太后詔曰琛

遂干預政事納貼為人求官無不效者河間王琛簡之

人意胡太后以其保護之功累遷至侍中右光禄大夫

善通元年魏太傅侍中清河文獻王懌美風儀胡太后 之子也懌薦為通直郎浮薄無行义許維以富貴使告 儀同三司劉騰權傾內外吏部希騰意奏用騰弟為郡 逼而幸之然素有才能輔政多所匡益好文學禮敬士 寵驕恣志欲無極懌每裁之以法义由是怨之衛将軍 人時望甚重侍中領軍将軍元义在門下無總禁兵恃 司染都尉韓文殊父子謀作亂立懌懌坐禁止案驗無 資乖越懌抑而不奏騰亦怨之龍驤府長史宋維升

不聽懌入懌曰汝欲反耶义曰义不反正欲縛反者 魏主若已得為帝許定以富貴帝時年十一信之秋七 命宗士及直齊執擇衣袂将入含章東省使人防守之 月丙子太后在嘉福殿未御前殿义奉帝御顧陽殿騰 反状得釋維當反坐义言於太后曰今誅維後有真 永巷門太后不得出懌入遇义於含章殿後义属 劉騰密謀使主食中黃門胡定自列云澤貸定使奏 人莫敢告乃照維為昌平郡守义恐懌終為已害乃

太后 太師萬陽王雍等同輔政帝謂义為姨父义與騰 有疾還政於帝幽太后於北宫宣光殿官門畫夜長 新泰文貞公游肇抗言以為不可終不下署义騰 义使中常侍酒泉贾粲侍帝書密令防察動止义遂 議入奏俄而得可夜中殺懌於是許為太后詔 詔集公卿議論懌大逆衆咸畏义無敢異者唯僕 ,服膳俱廢不免飢寒乃數曰養虎得噬我之 斷絕騰自執管籥帝亦不得省見裁聽傳食而 自

定

四庫全書

州刺史中山文莊王熙英之子也與弟給事黃門侍 喪氣胡夷為之勢面者數百人游肇愤邑而卒 一表欲誅元义劉騰篡亡韓郭後十日長史柳元章 All or and do day 月甲寅元义遣尚書左丞盧同就斬熙於郭街升 城人鼓躁而入殺其左右執照纂并諸子置於高 司徒祭酒纂皆為清河王懌所厚聞懌死起兵於都 通鑑紀事本末 魏

裏櫃權义為外禦騰為內防常直禁省共裁刑赏政

細决於二人處振內外百僚匿跡朝野聞懌死無不

哉凡百君子各敬爾儀為國為身善弱名節聞者憐之 曰吾與弟並蒙皇太后知遇兄據大州弟則入侍怒 于弟熈好文學有風義名士多與之遊将死與故知書 **熈首至洛陽親故莫敢視前驍騎将軍刀整獨收其** 言色恩同慈母今皇太后見廢北宮太傅清河王横受 欲建大義於天下但智力短淺旋見囚執上輕朝廷 酷主上幼年獨在前殿君親如此無以自安故即兵 知本以名義干心不得不爾流腸碎首復何言

憚之見于顏色康生亦微懼不安甲午魏主朝太后 也义以康生通姻深相委託三人率多俱宿禁中時 其謀义以康生為撫軍大将軍河南尹仍使之領 康生子難當娶侍中左衛将軍侯剛女剛子义之妹 以難當為千牛備身康生性粗武言氣高下义稍 魏元义劉騰之幽胡太后也右衛將軍奚康生預

文三日奉 人生的 四

林園文武侍坐酒酣选舞康生乃為力士舞及折

通揚紀事本末

之際每顧視太后舉手蹈足順目頷首為執殺之勢 曰至尊已朝記嬪御在南何必留宿康生曰至尊陛下 解其意而不敢言日暮太后欲攜帝宿宣光殿侯剛 をニナニと

勢将出處分為义所執鎖於門下光禄勲賈粲給太

定帝既升宣光殿左右侍臣俱立西陷下康生乘酒

問不得閉康生奪難當十十刀所直後元思輔

援帝臂下堂而去康生大呼唱萬歲帝前入問左右

之兒隨陛下将東西更復

訪谁犀臣莫敢應太后自

日我 其事處康生斬刑難當絞刑义與剛並在內嬌 义不出令侍中黄門僕射尚書等十餘人就康生所 尚食典御奚混與康生同執刀入內亦坐絞難當 侍官懷恐不安陛下宜親安慰太后信之適下殿 生如奏難當恕死役流難當哭醉父康生慷 扶帝出東序前御顯陽殿還閉太后於宣光殿至晚 肾得留百餘日竟流安州久之义使行臺盧同就 不反死汝何哭也時已昏闇有司驅康生赴 詔决

200

通经纪事本末

又亦自寬時出遊於外留連不返其所親諫义不納 然後赴省府亦有歷日不能見者公私屬請唯視貨多 歲入利息以巨萬萬計通奪鄰舎以廣其居遠近苦之 少丹車之利山澤之饒所在權酷刻薄六鎮交通互市 殺之以劉騰為司空八坐九卿常旦造騰宅參其顏色 四年春三月魏司空劉騰卒宦官為騰義息重服者四 餘人衰經送葬者以百數朝貴送葬者塞路滿野 初魏劉騰既卒胡太后及魏主左右防衛微緩元

愈属帝乃宿於嘉福殿積數日遂與太后密謀點义 因欲自下髮帝及羣臣叩頭泣涕殷勤苦請太后聲 察知之至秋太后對帝謂羣臣曰今隔絕我母子 不以為疑乃勘帝從太后所欲於是太后數 又對义流涕叙太后欲出家憂怖之心日有 深匿形跡太后有忿惠欲得往來顯陽之言皆以 往來復何用我為我當出家修道於嵩山間居寺 二官無復禁礙义舉元憑僧為徐州法僧反太后 數四

A. J. D. J. A. S. 1997

五世巴下れた

太后至雅內室從者皆不得入遂相與定圖义之計 意猶豫未决侍中穆紹勸太后速去之紹亮之子也 為言义深愧悔丞相高陽王雅雖位居义上而深畏 将軍開府儀同三司尚書令侍中領左右 太后謂义曰元郎若忠於朝 之會太后與帝遊洛水雅邀二宫幸其第日晏帝與 餘官輔政义甚懼免冠求解 兵權猶總任內外殊不自意有廢點之理胡太 廷無反心何故不去 領軍乃以义為縣

5四月百七

寒二十二上

出宿 |於帝曰义非獨欲殺妄又将不利於陛下帝信之因义 太后復臨朝攝政下韶追削劉騰官爵除义名為民清 開逆之端起於宋維成禍之末良由劉騰宜果首洿 國 有罷於魏主宦官張景萬說之云义欲害嬪嬪泣 斬骸沈族以明其罪太后命發劉騰之墓露散其 曰昔趙高柄秦令關東鼎沸今元义專魏使四方雲 郎中令韓子熙上書為清河王懌訟免己誅元义 解义侍中明旦义将入宫門者不納夏四月字

. . .

通监犯事本本

之孫也义之解領軍也太后以义黨與尚疆未可猝 籍沒家資盡殺其養子以子熙為中書舎人子熙麒

灾匹厚全書

米二十二上

粲以义黨多恐驚動內外乃出聚為濟州刺史尋追殺 乃以侯剛代义為領軍以安其意尋出剛為冀州刺史 之籍沒其家唯义以妹夫未忍行誅先是給事黃門侍 加儀同三司未至點為征屬将軍卒於家太后欲殺賈 元順以剛直件义意出為齊州刺史太后徵還為侍

中侍坐於太后义妻在太后側順指之曰陛下奈何

告邀朕求鐵券冀得不死朕頼不與韓子熙曰事關生 然未幾有告义及弟瓜謀誘六鎮降户反於定州又招 殺並緊鐵券且陛下昔雖不與何解今日不殺太后 弟瓜死於家猶贈义驃騎大将軍儀同三司尚書令 然順澄之子也它日太后從容謂侍臣曰劉騰元义 妹之故不正元义之罪使天下不得伸其冤愤太后 之羣臣固執 陽諸蠻侵擾伊閥欲為內應得其手書太后猶未忍 不已魏主亦以為言太后乃從之賜

And the state of the

通錯紀事本末

圭

曰千里相徵宣欲衆中見辱邪順曰陛下不畏天下之 未亡人首去珠玉衣不文米陛下母臨天下年垂不 而恥臣之一言乎順與穆紹同直順因醉入其寢所 職事縱卿方進用何宜相排突也遂謝事還家詔 頗事粧飾數出遊幸元順面諫曰禮婦人夫沒自 節過甚何以儀刑後世太后慙而還官召順責之 被而起正色讓順回身二十年侍中與卿先君鱼

陽王繼廢於家病卒前幽州刺史盧同坐义黨除

寒ニ十二上

梁武帝 普通四年夏四月甲申魏遣尚書令李崇擊

爪牙中年以来有司號為府户役同厮養官婚班齒致 阿那環崇長史鉅鹿親蘭根說崇曰昔縁邊初置諸 地廣人稀或後發中原疆宗子弟或國之肺腑寄以

改鎮立州分置郡縣凡是府户悉免為民入仕次叙 次已日報 A B 1

通描犯事本末

구. 20

失清流而本来族類各居榮顯顧瞻彼此理當憤怨宜

出人禁中恒令勇士持兵以自先後時出体於千秋門 常入直於魏主所居殿側曲盡佞媚帝由是寵信之义 之處矣崇為之奏聞事寢不報 準其舊文武無用威恩並施此計若行國家庶無北顧 之而已其始執政之時婚情自飾以漁勤接物時事得 李任情紀綱壞亂父京兆王繼尤貪縱與其妻子各受 施木欄橘使腹心防守以備竊發士民求見者選對 以關懷既得志遂自驕愎嗜酒好色貪吝寶賄 初元义既幽胡太后

牧守令長率皆貪汙之人由是百姓困窮人人思亂武 岳皆有材勇懷朔鎮将楊釣擢度拔為統軍三子為軍 王諸鎮華夷之民往往響應拔陵引兵南侵造别即衛 然入冠鎮民請糧景不肯給鎮民不勝您遂反執景殺 之未幾沃野鎮民破六韓拔陵聚聚及殺鎮将改元真 衛将軍于景忠之弟也謀廢义义點為懷荒鎮将及柔 可孤圍武川鎮又攻懷朔鎮尖山賀拔度拔及其三子名勝 通過記事本末

賂遺請屬有司莫敢違者乃至郡縣小吏亦不得公選

五年春三月魏以臨淮王或都督北討諸軍事討破六 拒 釭

定四庫全

書

為高平王攻高平鎮以應拔陵魏将盧祖遷擊破之 北走衛可狐攻懷朔鎮經年外援不至楊鈞使賀拔 拔陵夏四月高平鎮民赫連恩等反推敕勒酋長 淮王或告急勝募敢死少年十餘騎夜伺隙潰

於雲中說之曰懷朔被圍且夕淪陷大王今頓兵

出賊騎追及之勝曰我賀拔破胡也賊不敢逼勝

賊勢日盛魏主引丞相令僕尚書侍中黃門於顧陽 敗或坐削除官爵安北将軍隴西李叔仁又敗於白道 之日今冠連恒朔逼近金陵計将安出吏部尚書 孤所屬五月臨淮王或與破六韓抜陵戰於五原兵 出規武川武川已陷勝馳還懷朔亦潰勝父子俱為 為大王計矣或許為出師勝還復突圍而入釣復 懷朔若陷則武川亦危賊之銳氣百倍雖有良平

钦定四軍全書 一

我請遣重臣督軍鎮恒朔以挥冠帝曰去歲阿那! 通鑑犯事本末

|賢材帝不許修義天賜之子也 崇口臣以六鎮避僻密題冠我欲以慰悦彼心直敢道 欲還遣崇行何如僕射蕭寶寅等皆曰如此實合羣望 但既往難追聊復略論耳然崇貴戚重望器識英敏意 恩改過之秋但臣年七十加之疲病不堪軍旅願更 之為亂臣罪當就死陛下赦之今更遣臣北行正是報 叛亂遣李崇北在崇上表求改鎮為州联以舊章難 從其請尋崇此表開鎮户非真之心致有今日之患

嘉之子也 六月魏自破六韓状陵之反二夏幽涼寇盗 夏四月壬申加崇使持節開府儀同三司北討大都督 醉匪用其良覆俾我恃其是之謂矣 命撫軍将軍崔退鎮軍将軍廣安王深皆受崇節度深 崇罪被不明之君為可與謀哉詩云聽言則對誦言如

臣光曰李崇之表乃所以銷禍於未前制勝於無形魏

庸宗既不能用及亂生之日曾無腿謝之言乃更以為

钦定四事全書

蜂起秦州刺史李彦政刑殘虐在下皆怨是月城內薛

通經紀事本末

圭

珍等聚黨突入州門擒彦殺之推其黨莫折大提為 降引為主簿接以解色使說下羣氏既而因宴會 豪右楊松柏兄弟數為冠盗刺史博陵崔遊誘之 赫連略行臺高元祭大提尋卒子念生自稱天 欲逃去未果城民張長命韓祖香孫掩等攻遊殺 收斬之由是所部莫不猜懼遊聞李彦死自知 大提自稱泰王親遣雍州刺史元志討之初南秦 以城應大提大提遣其黨下胡襲高平克之殺

單騎走選拔陵并力攻崇崇力戰不能禦引還雲中 不廢仕官乃更獨得復除當時人物忻慕為之太和 簡親賢確麾作鎮配以高門子弟以死防過非唯 之相持廣陽王深上言先朝都平城以北邊為重

置百官改元天建

秋七月甲寅魏遣吏部尚書元

修義無尚書僕射為西道行臺即諸将討莫折念生

崔遲違李崇節度與破六韓拔陵戰于白道大敗

中僕射李冲用事涼州士人悉免厮役帝鄉舊門仍

Wall and Little

通经也事本末

美

者 人無不切齒及阿那壞背恩縱掠發犇命追之十五 **邉任益輕唯底滯凡才乃出為鎮将轉相模習專事** 峻逸兵之格鎮人不聽浮遊在外於是少年不得從 為虞候白直一生推遷不過軍主然其同族留京師 師長者不得遊官獨為匪人言之流涕自定鼎伊洛 防逼成自非得罪當世莫肯與之為伍本鎮驅使但 得上品通官在鎮者即為清途所隔或多逃逸乃 飲或諸方姦吏犯罪配邊為之指蹤政以賄立邊

克匹居台雪

卷二十二上

國尚書令臣崇求改鎮為州柳亦先覺朝廷未許而 萬衆度沙漠不日而還邊人見此後師遂自意輕中 雲中将士之情莫不解體今日所處非止西北将 高關成主御下失和我陵殺之遂相即為亂攻城掠 **退繁廷尉暹以女妓田園縣元义卒得不坐** 所過夷滅王師屢北賊黨日盛此段之舉指望 鎮尋亦如此天下之事何易可量書奏不省詔殺 而崔遇隻輪不返臣崇與臣後巡復路相與還次

足可奉 公書 一

通程犯事本末

圭

勇二秦反者皆其族類請先收其器械子建曰城民 丑莫折念生遣其都督楊伯年等及仇楊河沌二戊 益州 騎侍郎李苗上書曰凡食少兵精利於速戰糧 民慰諭之既而漸分其父兄子弟外戍諸 經行陳撫之足以為用急之則腹背為患乃悉召 級東益州本氏王楊紹先之國将佐皆以城民勁 卒無叛者子建蘭根之族兄也 刺史魏子建遣将軍伊祥尋擊破之斬首千 月 魏員外 郡内

待崩潰夫既至風舉逆者求萬一之功高壁深壘王 卒衆事宜持久今隴賊猖狂 述 一輔危 命偏裡即精兵數十出麥積崖以襲其後則 冀 德義其勢在於疾攻日有降納運則人情 有全制之策但天下久泰人不曉兵犇利 敵之心如今魔東不守 弱國之右臂於斯廢矣宜勒大将堅壁勿 相 商将無法令士非教習不思長久之計 汧軍敗散則兩秦遂 非有素蓄雖據两城本 離沮坐 不 汧岐 相

定四車全書 一

通鑑恕事本末

東保岐州 之下奉妖自散魏以苗為統軍與别将淳于誕俱出 魏主始思李崇及廣陽王深之言丙申下詔諸 梁益隸於子建未至莫折念生遣其弟高陽王天生 朔州更命朔州曰雲州遣魚黃門侍郎酈道元為 實非有罪配隸者皆免為民改鎮為州以懷朔鎮 兵下職甲午都督元志與戰於職口志兵敗棄無 東西部載勒皆叛魏附於破六韓拔陵

大使無慰六鎮時六鎮已盡叛道元不果行先是代

疾不能治軍王申魏以尚書左僕射齊王蕭實寅為 遣都督實雙攻魏盤頭郡東益州刺史魏子建遣将 督北海王顏即諸将討之顏詳之子也 琛遣其将宿勒明達冠幽夏北華二州壬午魏遣都 軍審念祖擊破之 西道行臺大都督師諸将討莫祈念生 人遷洛者多為選部所抑不得仕進及六鎮叛元义 用代来寒人為傳詔以慰悅之 九月魏西道行臺元修義得 更歷紀事本人 戊戌莫折念生 魏廣陽王 冬十月 2

拔度拔父子及武川宇文肱糾合鄉里豪傑共襲衛 之衝賊之咽喉若此地不全則并肆危矣當留一 擊之必無勝理不若選練精兵守恒州諸要更為後 深上言今六鎮盡叛高車二部亦與之同以此疲兵 圖遂與李崇引兵選平城崇謂諸将曰雲中者白道 州十一月戊申陷之執都督元志及刺史裴芬之 孤殺之度拔尋與鐵勒戰死 之誰可者聚舉費穆崇乃請移為朔州刺史 莫折天生進攻魏 賀

金釗

克匹厚全書

半二十二上

大将軍都督西道諸軍以討莫折念生魏親子建 胡共迎胡琛 祖香魏以子建無尚書為行臺刺史如故梁巴二益 天安復執刺史以應之 二秦諸州皆受節度莫折念生遣兵攻涼州城民趙 南秦諸氏稍稍降附遂復六郡十二戌斬賊即韓 加田神仙 十二月壬辰魏以京北王繼為太師 通鑑記事本末 ₽ <u>+</u>

大夫薛盤於平涼東戀安都之孫也

高平人攻殺人

送莫折念生殺之念生又使卜胡等冤涇州敗光禄

接延伯直抵天生營下楊威脅之徐引兵還天生見 干西度黑水整陳向天生營寶寅軍於水東遥為繼 趣之使戰延伯曰明晨為公參賊勇怯乃選精兵數 州刺史崔延伯為征西将軍西道都督即衆五萬討 之延伯與行臺蕭實軍手馬鬼延伯素驍勇實軍 伯衆少開營爭逐之其衆多於延伯一倍蹙延伯

於水次寶寅望之失色延伯自為後殿不與之戰使

六年春正月莫折天生軍於黑水兵勢甚盛魏以收

之矣方延伯勒兵出寶寅與軍繼其後天生悉衆逆 東先渡部伍嚴整天生兵不敢擊須東渡畢延伯 延伯身先士卒陷其前鋒将士盡銳競進大破之 渡天生之泉亦引還寶寅喜曰崔君之勇關 斬十餘萬追葬至小職岐雍及雕東皆平将士稽 採掠天生遂塞雕道由是諸軍不能進實寅破宛 伯曰此賊非老奴敵也明公但安坐觀老奴破 張

俘其民以為奴婢以美女十人賞岐州刺史魏

通鑑犯事本末

四十三

定四軍全書一

都督楊鮮等攻仇池郡行臺魏子建擊破之 死官軍之至宜於而撫之奈何助賊為震翦以為賤 根蘭根解曰此縣介於疆冠不能自立故附從以救 萬鐵馬八千軍威甚盛聰奴軍於安定西北七里時 月胡琛據高平遣其大将万俟醜奴宿勤明達等冠 役乎悉求其父兄而歸之 既破莫折天生引兵會祖遷等於安定甲卒十 涇州将軍盧祖遷伊甕生討之不克蕭實寅崔延 二月壬辰莫折念生遣 夏四

負而超謂之排城置輜重於中戰士在外自安定北· 以輕騎挑戰大兵未交朝委走延伯恃其勇且新有 找其 營賊旨輕騎延伯軍雜步卒戰人疲乏賊乘 間得 乞緩師實寅延伯未及閱視宿勤明達引兵自東北 縁原北上将戰有賊數百騎訴持文書云是降簿且 功遂唱議為先驅擊之別造大盾內為鎖柱使壯士 降賊自西競下腹背擊之延伯上馬奮擊逐北徑 非城延伯遂大敗死傷近二萬人寶寅收衆退保 Let J. Lin 通组纪书本末 日本日

進去城七里結營壬辰不告實寅獨出襲賊大破之 安定延伯自恥其敗乃繕甲兵募驍勇復自安定西 王深於五原軍主賀拔勝募二百人開東門出戰斬 項平其數冊賊見軍士採掠散亂復還擊之魏兵 定匹居 全言 兵者往往不與 失驍將朝野為之憂恐於是賊勢愈盛而奉臣自 延伯中流失卒士卒死者萬餘人時大冠未平 者太后問之皆言賊弱以求悦獨由是将即求 夏六月破六韓拔陵圍魏廣陽 基二十二上

首百餘級賊稍退深拔軍向朔州勝常為殿雲州 流參軍于謹言於廣陽王深曰今冠盜鑫起未易專用 示恩信於是西部鐵勒酋長也列河等将三萬餘 深許之謹兼通諸國語乃軍騎詣叛胡營見其首長 力勝也謹請奉大王之威命諭以禍福庶幾稍可 城南犇爾朱紫於秀容既而詣闕請罪詔原之長 城獨存久之道路阻絕接軍不至糧仗俱盡穆 招撫離散四面 拒 敵時北境州鎮皆沒唯雲

A Air IV

通鑑紀事本末

早五

未易敵也不若以也列河餌之而伏兵以待之必可 拔 勢甚盛聞也列河等來降必引兵邀之若先據險要 陵大敗復得也列河之家而還柔然頭兵可汗大 請深降深欲引兵至折敷嶺迎之謹曰破六韓拔陵 深從之拔陵果引兵邀擊也列河盡停其衆伏兵發 灾 前後降附者二十萬人深與行臺元纂表乞於恒 李叔仁以拔陵稍逼求援於廣陵王深深即東 匹居全世 拔陵斬其将孔雀等拔陵避柔然南徒渡河将 孝二十二上

詔黃門侍郎楊昱分處之於真定藏三州就食深謂篡 禁安定彭樂皆從之洛周圍魏熊州刺史博陵崔東九 曰此單復為乞活矣 守險譚屯居庸關 督元譚討之景爽之祭也白盧龍塞至軍都關皆置兵 眾及於上谷改元真王攻沒郡縣高歡蔡雋尉景及段 月丙辰魏以幽州刺史常景魚尚書為行臺與幽州都 别立郡縣安置降户隨宜販賽息其亂心魏朝不從 初敕勒首長解律金事懷朔鎮 秋八月魏柔玄鎮民社洛周聚

題監記事本末

楊鈞為軍主行兵用匈奴法望塵知馬步多少嗅地知 七年春正月魏安州石離兄城斛鹽三戊兵反應杜洛 周眾合二萬洛周自松岍赴之行臺常景使別将崔仲 瓜堆為: 据代譚為都督仲哲東之子也 近及破六韓拔陵及金雜衆歸之拔陵署金為王 知拔陵終無所成乃詣雲州降仍稍引其東南出 都關以邀之仲哲戰沒元譚軍夜潰魏以别 社洛周所破脱身歸爾朱榮荣以為别将 巻二十二上 五原降户鮮干

樂等擊之於栗園大破之斬曹紀真及将卒三千餘 紀真等将兵掠薊南秋七月丙午行臺常景遣都督 周即東南趣范陽景與榮等又破之 衆拒之洛周引還上谷 杜洛周南北鈔掠薊城魏常景遣統軍梁仲禮擊 元洪業斬鮮于修禮請降于魏城黨葛榮復殺洪 丁未都督李琚與洛周戰於薊城之北敗沒常景 Legit of your 通鑑紀事本末 六月杜洛周遣都督王曹 里 月癸已

<u>ج</u> 9

禮等即北鎮流民反於定州之左城改元魯興

自立 亡歸胡琛琛以為大都督秦王資以士馬使擊念生伯 子國號齊改元廣安 本莫折念生之黨也後更據顯親以拒念生已而不勝 其武川王賀拔文興等捕虜四百人 天水民吕伯度 度為涇州刺史封平秦郡公大都督元脩義停軍 降於蕭寶寅寶寅使行臺左丞雀士和據秦州魏 屢破念生軍復據顯親乃叛琛東引魏軍念生寫珀 九月葛荣既得杜洛周之衆北趣瀛州自稱天 甲申魏行臺常景破社洛周斬

折念生交通事破六韓拔陵浸慢拔陵遣其臣費律 大通元年春正月魏分定相二州四郡置殷州以北 口久不進念生復反執士和送胡琛於道殺之久之 高平誘琛斬之醜奴盡并其衆 度為万俟醜奴所殺賊勢益盛寶寅不能制胡琛與 陽戊戊民執魏幽州刺史王延年行臺常景送洛周 納之 冬十一月杜洛周

2

to dula id

通鑑紀事本末

四十八

臺博陵崔档為刺史档表稱州今新立尺刃斗糧皆

家單騎之官楷曰吾聞食人之禄者憂人之憂若吾獨 所未有乞資以兵糧詔付外量聞竟無所給或勸指留 公尚不惜百口吾屬何愛一身連戰不息死者相枕終 無叛志卒未城陷指執節不屈榮殺之遂圍冀州 又無守禦之具楷撫勉将士以拒之莫不争奮皆曰崔 則将士誰肯用志哉遂舉家之官為榮逼州城或勸 吾心不固虧忠而全愛也遂命追還賊至疆弱相懸 弱小以避之楷遣幼子及一女夜出既而悔之曰人

生關 败 收散兵萬餘人也逍遥園東秦州刺史潘義湖以 寶寅出兵界年将士疲弊秦賊擊之寶寅大敗於淫 賊帥 功曹毛鴻實 中大擾雅 刺史畢祖暉戰沒行臺羊深棄城走北海王顏 賊莫折念生進逼岐州城人執刺史魏蘭根應之 加椿侍中熊尚書右僕射為 胡引祖據北華州叱干麒麟據 ALIO I 111 31 刺史楊椿募兵得七千餘人即 通鑑紀事本末 抄掠渭北雍 行臺節度關 116 録事參軍楊 幽州以應 四十九 九 西 拒

ξ

Э

1

蕭寶寅部将羊侃隱身塹中射之應弦而斃其衆遂潰 兵三十掩擊之鴻廣懼請討賊自效遂擒送宿勤烏 社之子也 氣浮軒眉攘腕以攻戰自許及臨大敵憂怖交懷 方為戰地竊以几年将即多龍貴子孫街杯躍馬志 功在於将即得其人則六合睡掌可清失其人則 仁鳥過仁者明達之兄子也莫折天生乘勝冦雍 銳氣一朝頓盡乃令贏弱在前以當冠殭壮居後 魏右民郎陽平路思令上疏以為師

之虜欲其不敗豈可得哉是以兵知必敗始集而先逃 衛身無復器械不精進止無節以當負險之衆敵數 益甚生民彫弊凡以此也夫徳可感義夫恩可勸死 疑賞賽之輕日散金帛帑藏空竭民財殫盡逐使賊 而伐朝菌鼓洪爐而燎毛髮哉弗聽 **令若點防幽明赏罰善惡簡練士卒繕修器械先遣** 師畏敵遷延而不進國家謂官爵未滿屢加龍命 以禍福如其不俊以順討逆如此則何異碼蕭

通路紀事本末

椿謂之曰當今雅州刺史亦無踰寶寅者但其上佐 都督自關以西皆受節度椿還鄉里其子昱将適洛陽 州諸軍事征西将軍雅州刺史開府儀同三司西討大 圍信都魏以金紫光禄大夫源子邕為北討大都督以 復得潼關戊辰詔回駕北討其實皆不行 州刺史楊椿有疾求解復以實寅為都督雍淫等 定匹 月生主 三月甲子魏主部将西討中外戒嚴會奏賊西 魏蕭寶寅之敗也有司處以死刑部免為庶人 葛柴

於賞罰云為不依常憲恐有異心汝今赴京師當以吾 督裝行共致信都鑒幸魏多故陰有異志遂據都叛降 后皆不聴 此意放魏主并白宰輔更遣長史司馬防城都督欲安 廷應遣心膂重人何得任其牒用此乃聖朝百慮之 中正須三人耳如不遣必成深憂呈面啟魏主及太 也且寶寅不藉刺史為榮吾觀其得州喜悦特甚至 八月魏遣都督源子邕李神軌表行攻都子邕 秋七月魏相州刺史樂安王肇與北道都

葛紫

大三日東 A 書

通鑑紀事本末

五

行及湯陰樂安王鑒遣弟斌之夜襲子邕管不克子邕 魏因遣子邕裴衍討葛榮 九月秦州城民杜粲般莫 乘勝進圍鄴城丁未拔之斬鑒傳首洛陽改姓拓跋氏 兵不運此罪将大寶寅不從自念出師累年糜費不皆 不若留關中立功自效行臺都令史河間馮景曰擁 念生闔門皆盡祭自行州事南秦州城民辛琛亦自 州事遣使詣蕭寶寅請降魏復以寶寅為尚書令還 蕭寶寅之敗於涇州也或勸之歸罪洛陽或 老二十二上

實允人望且謠言鸞生十子九子毈卵一子不搬卵 時寶寅反狀已露悦乃奏以道元為關右大使寶寅聞 悦請之於胡太后太后敕赦之道元殺之并以刻悦 旦覆敗內不自安魏朝亦疑之中尉雕道元素名嚴 司州牧汝南王悦嬖人丘念弄權縱沒道元收念付 河東柳 為取已甚懼長安輕薄子弟復勸使舉兵寶寅以 亂者治也大王當治關中 档档曰大王齊明帝 子天下所屬今日之舉 何所疑道元至陰盤驛

·通鑑紀事本本

寶寅遣其将郭子恢攻殺之次殯其尸表言白賊所害 蘇港即病在家寶寅令湛從母弟開府屬天水姜儉說 我百口今屠滅云何不哭哭數十聲徐謂儉曰為我白 能坐受死亡令須為身計不復作魏臣矣死生荣辱與 湛曰元略受蕭行古欲見劉除道元之来事不可則吾不 又上表自理稱為楊椿父子所譜寶寅行臺郎中武功 齊王王本以窮鳥投人賴朝廷假王羽翼榮罷至此屬 共之湛聞之舉聲大哭儉遽止之曰何得便爾湛曰

金定匹庫全書

改 國步多虞不能竭忠報德乃欲乘人間隙信感行路 湛恐荆棘必生於齊閣 奇才與之從事今但與長安博徒謀之此有成理 且王之恩義未治於民但見其敗未見有成蘇湛不 以百口為王族滅寶寅復使謂曰我救死不得不两 以不先相白者恐沮吾計耳港口凡謀大事當得)語欲以贏敗之兵守關問鼎令魏德雖衰天命 願賜 酸骨選鄉里庶得病死

先人寶寅素重湛且知其不為已用聽還武功冬

E 9

14 A 15 | 1

通站纪事本本

至三

月甲寅寅寅自稱齊帝改元隆緒敢其所部置百官都 方礼南郊行即位禮未畢聞敗色變不暇整部伍狼 長史毛遐鴻廣之兄也與鴻廣師氏羌起兵於馬祗 而歸以姜儉為尚書左丞委以心腹文安周惠達為 以拒實寅寶寅遣大将軍盧祖遷擊之為遐所殺寶 卷二十二上

及宗人薛修義亦聚眾河東分據鹽池攻圍蒲坂東西 以尚書僕射長孫稚為行臺以討寶寅正平民薛鳳賢 死字兄弟各自引谷爭相為死都督潘紹等數百人皆 魏信 封偉伯等與關中豪傑謀舉兵誅寶寅事泄而死魏 者什六七字兄祐為防城都督樂大集将士議其生 儲既竭外無救援已丑城陷禁執字逐出居民凍 以應實寅詔都督宗正珍孫討之 都自春及冬冀州刺史元字即屬将士畫夜拒 十一月葛

NO DE LA LES IN

通鑑紀事本末

五四

相 討僚裴行表請同行詔許之子邕上言行行臣請留臣 同禁者五百人皆得免魏以源子邕為冀州刺史将兵 之卒不能克 恒農李神志氣自若撫勉将士大小致力葛榮盡銳攻 至陽平東北漳水曲柴帥東十萬擊之子岂行俱敗死 行請留行若逼使同行敗在旦夕不許十二月戊申行 叩頭請就法以活使君榮曰此皆魏之忠臣義士於是 州吏民聞冀州已陷子邕等敗人不自保相州刺史

書曰賊所以圍城正為取北人耳城中北人宜盡殺之 其使固守三年杜洛周圍之魏不能救津遣其子遍 杜洛周之間选来攻圍洋萬新糧治器械隨機拒擊賊 不能克津潛使人以鐵券説賊黨賊黨有應津者遺津 二年春正月魏北道行臺楊津守定州城居鮮于修 然必為患津悉收北人內子城中而不殺聚無不 仁及葛榮代修禮統衆使人說津許以為司徒津 出話案然頭兵可汗求教適日夜泣請頭兵遣其從

定日車全書日

通鑑紀事本末

五十五

袓 長孫雅軍至恒農行臺左丞楊 然遂還已丑津長史李裔引賊入執津欲烹之既而 一贏州刺史元寧以城降洛周 吐豆餐師 不決者机其險要故也今賊守禦已固雖魏武復生 馬超據潼關 以施其智勇不如北取蒲坂渡河而西入其腹心置 地則華州之園不戰自解潼關之守必內顏而走 精騎 相拒逐超之才非魏武敵也然而勝 一萬南出前鋒至廣昌賊塞隘口柔 塞ニナニ上 侃調雅曰昔魏武與韓 蕭寶寅圍馬 朔未 負

支節既解長安可坐取也若愚計可取顧為明公前 邑宗正珍孫守虞坂不得進如何可往侃曰珍孫 母妻子皆留舊村一旦聞官軍來至皆有內顏之心必 夫因縁為将可為人使安能使人河東治在蒲坂西 曰子之計則善矣然今薛修義圍河東薛鳳賢據 風自潰矣雅乃使其子彦與侃即騎兵自恒農北 :封疆多在郡東修義驅師士民西圍郡城其父 行

Au on the last to last

雖壁侃聲言今且停此以待步兵且觀民情向背

通燈紀事本末

五

命送降名者各自還村侯臺軍舉三峰當亦舉烽相應 與鳳賢俱請降丙子稚克潼關遂入河東 因其勢挫還軍襲寶寅至白門寶寅始覺丁丑與終德)數百里賊圍城者不測其故各自散歸修義亦逃還 将侯終德擊毛退會郭子恢等屢為魏軍所敗終德 民轉相告語雖實未降者亦詐舉烽一宿之間火光 無應烽者乃賊黨也當進擊屠之以所獲賞軍於是 敗樵其妻南陽公主及其少子即麾下百餘騎自後 蕭寶寅遣

自 其僕射任褒将兵南掠至沁水魏以元天穆為大都督 史薛慶之居民死者什八九 出葬万俟醜奴醜奴以寶寅為太傅 洛周殺之併其衆 稱漢王改元天統戊申魏以征東将軍李叔仁為車 大将軍儀同三司帥栗討之辛亥魏主部曰朕當親 北道諸軍事即宗正珍孫等討之前幽州平北府主 間那果即河北流民十萬餘户反於青州之北海 三月癸未葛榮陷魏滄州執刺 夏六月葛祭軍乏食遣

二月葛柴擊

E 9

超 4 45

通鑑紀事本末

至

馬皆有副倍道無行東出滏口以侯景為前驅葛榮 六戎掃静燕代以大将軍爾朱榮為左軍上黨王天 相州之北 求討之九月兩朱榮召從子肆州刺史天光留鎮晉 兵圍都衆號百萬遊兵已過沒郡所至殘掠爾朱榮 為前軍司徒楊椿為右軍司空穆紹為後軍萬榮 曰我身不得至處非汝無以稱我心自即精騎七千 國蘇獅子於魏聰奴留之改元神獸 秋七月万俟醜奴自稱天子置百官會 月葛紫

禁潛軍山谷為奇兵分替将已上三人為一處處有數 長絕至則縛取自都以北列陳數十里箕張而進爾朱 今嚴明戰士同奮爾米榮身自陷陣出於賊後表裏合 刀不如棒勒軍士齊袖棒 百騎令所在楊塵鼓課使賊不測多少又以人馬逼戰 逐不聽斬級以棒棒之而已分命壮勇所向衝突號 الملك بالمنصر 通鑑紀事本末 一枚置於馬側至戰時處 **季**八

2 3

理葛祭聞之喜見於色令其眾曰此易與耳諸人俱

日久横行河北爾朱祭聚寡非敵議者問無取勝之

擊大破之於陳擒葛榮餘衆悉降以賊徒既眾若即分 穆軍於朝歌之南穆紹楊椿猶未發而葛榮已滅乃皆 其渠即量才授任新附者咸安時人服其處分機速以 車送為榮赴洛冀定滄藏殷五州皆平時上黨王天 居止於是產情大喜眾即四散數十萬眾一 恐其疑懼或更結聚乃下令各從所樂親屬相隨任 出百里之外乃始分道押領隨便安置咸得其宜雅 乙亥魏大赦改元永安 辛巴以爾朱紫為 一朝散盡

四月辛丑破那果於濟南果降送 中大通元年三月壬戌魏詔上黨王天移討那果 被其患爾朱榮以撫軍将軍賀拔勝為大都督鎮中山 胸朱榮使大都督尖山侯淵 於都市 司 畏勝威名不敢 徒 都督河北畿外諸軍事以楊椿為太保城陽王 冬十月丁亥葛樂至洛魏主御闆園門引 十二月葛榮餘黨韓樓復據幽州反北邊 南 出 討韓樓於薊配卒甚少 2洛陽斬 2

2

5

2, 4.15

通监犯事本末

£

五十 賊 軍聲多設 大衆未必能 何 間 為 餘人尋還其馬仗縱 百或以為言祭曰侯 陳周馬步萬餘 韓樓果疑降卒為淵內應遂走追擒之幽州 之乃可克也 復資遣之淵 供具親即數 用今以 淵度其已至遂師 口我兵既少不可力戰 此衆擊此賊 淵 潛 百 令入城 騎 伏以乘其背大破之虜其 淵 深 脑 機 入樓境去薊百餘 左 又能取之淵遂廣 設變是其所長若 右諫曰既獲賊 騎夜進珠旦叩 須為奇計 平 里 總

月る

Ţ

卷二

一 十 二 二

|尚書左僕射慰勞幽州流民於濮陽頓丘因師流民北 淵為平州刺史鎮范陽先是親使征東将軍劉靈助 軍賀拔岳討之岳私謂其兄勝曰醜 二年春正月万俟配奴侵擾關中魏爾朱榮遣武衛 為幽平營安四州行臺 勝固有罪勝之讒嫉将生勝曰然則奈何岳曰願 殺刺史高子朗 淵共減韓樓仍以靈助行 万俟醜奴攻魏東秦州 幽州事加車騎将 奴 **勍敵也今攻之**

ع 9

Ē

<u>.</u>

data W/

通经纪事本末

至

軍 天光為使持節都督二雅二岐諸軍事驃騎大将軍雅 潼關天光不敢進岳曰蜀賊鼠竊公尚遲疑若遇 士千人發洛陽以西路 為右大都督並為天光之副 刺史以岳為左大都督又以 ,朱氏一人為師而佐之勝為之言於榮樂悦以爾朱 詔侍中楊侃先行慰諭并稅其馬賊持疑不下軍 何以戰天光口今日之事一以相委岳遂進擊 A.A. 13 次民馬以給之時赤水蜀賊 征西将軍代 以討之天光 初行唯 郡侯莫

炉

僕射万俟仵自武功南渡渭攻圍趣柵天光使賀拔岳 劉贵乘驛至軍中責天光杖之一百以軍士二十人助 馬合萬餘匹以軍士尚少淹留未進榮怒遣騎兵參軍 之三月醜奴自将其衆圍岐州遣其大行臺尉遲菩薩 與菩薩隔水而語稱楊國威菩薩令省事傳語岳怒曰 挑之菩薩師步騎二萬至渭北岳以輕騎數十自渭南 千騎救之菩薩等已拔柵而還岳故殺掠其吏民以

<u>.</u>

į.

L 1 1

遊戲起事本末

二

於渭北破之獲馬二千匹簡其壮健以充軍士又稅

與賊語稍引而東至水淺可涉之處岳即馳馬東出賊 北走安定置柵於平亭天光方自雍至岐與岳合夏 以待之賊半度岡東岳選兵擊之賊敗走岳下令賊下 以為走乃棄步兵輕騎南渡涓追岳岳依横岡設伏兵 月天光至汧渭之間停軍牧馬宣言天時将熱未可行 仍渡渭北降步卒萬餘並收其輜重醜奴聞之棄岐 與菩薩語卿何人也射殺之明日復引百餘騎隔 者勿殺賊悉投馬依獲二千人馬亦無遺遂擒菩薩 **灾匹居自己** 卷二十二上

賊 平天光遣賀拔岳輕騎追之丁卯及於平凉賊未成 密嚴諸軍相繼俱發黎明團元進大柵拔之所得俘 皆縱遣諸 , 柵其餘千人已下為柵者甚眾天光知其勢分晡時 涇州刺史侯幾長貴以城降配奴棄平亭走欲趣 於 郡侯莫陳崇單騎入賊中於馬上生擒醜奴 細川使其太尉侯伏侯元進将兵五千據 柵 聞之皆降天光畫夜徑進抵安定城

供秋凉更圖進止發醜奴現候者縱遣之醜奴信

?

)

٠

4.15

通路纪事本末

六主

關中平大赦万俟醜奴蕭寶寅至洛陽置闔闔門外都 與蕭寶寅周款並居得言之地必能全之且二人謂寶 自外至帝問道習在外所聞對曰唯聞李尚書高黃門 街之中士女聚觀凡三日丹陽王蕭賛表請寶寅之命 之天光進逼高平城中執送蕭寶寅以降 甲戌魏以 大呼眾皆披靡無敢當者後騎益集賊眾崩潰遂大破 右之言於魏主曰寶寅叛逆事在前朝會應詔王道習 部尚書李神為黃門侍郎高道楊素與寶寅善欲左 **反正居台** 17

潛與城民通謀掩襲邪利并其所部皆殺之天光師 皆降於魏唯所署行臺万俟道洛即衆六千逃入山中 軍赴之道洛出戰而敗即其眾西入牽屯山據險自守 里遣都督長孫邪利即二百人行原州事以鎮之道洛 不降時高平大旱爾朱天光以馬乏草退屯城東五十 不前法欲安施帝乃賜寶寅死於驗牛署斬醜奴於都 夏六月万俟醜奴既敗自涇豳以西至靈州賊黨

西越巴斯本人

1

寅叛逆在前朝寶寅為醜奴太傅豈非陛下時邪賊臣

擊道洛於牽也道洛敗走入隴歸略陽賊即王慶雲道 雕至水洛城慶雲道洛出戰天光射道洛中臂失弓還 洛城置百官以道洛為大将軍秋七月天光師諸軍入 洛驍果絕倫慶雲得之甚喜謂大事可濟遂稱帝於水 詔書照天光為撫軍将軍雅州刺史降爵為侯天光追 爾米榮以天光失邪利不獲道洛復遣使杖之一百以 走拔其東城賊併兵趣西城城中無水衆渴之有降者

定匹庫全書

言慶雲道洛欲突走天光恐失之乃遣人招諭慶雲使

早降曰若未能自決當聽諸人今夜共議明晨早報 於城北其夜慶雲道洛果馳馬突出遇槍馬各傷 復走心天光密使軍士多作木槍各長七尺昏後統城 雲等真得小緩因待夜突出乃報曰請俟明日天光因 止窮窘乞降丙子天先悉收其仗而院之死者萬七千 列要路加厚又伏人槍中備其 即時擒之軍士縁梯入城餘東皆出城南遇槍 日知須水今相為小退任取澗水飲之賊衆悦無 衝突無令密縛長

.

見鑑記事本末

卒四

以功遷征西将軍行原州事時關職彫弊泰撫以恩信 涇州刺史侯莫陳悦為渭州刺史秦州城民謀殺刺史 略陽詔復天光官爵尋加侍中儀同三司以賀拔岳為 人分其家口於是三秦河渭瓜凉都州皆降天光頓軍 民皆感悦曰早遇宇文使君吾輩豈從亂乎 通鑑紀事本末卷二十二上 人光遣兵討平之步兵校尉宇文泰從賀拔岳入關 南秦州城民謀殺刺史辛顯超顯皆覺之走歸天 卷二十二上

灾匹 库全書

港绿監生臣将予林校對官檢討臣王鍾健總校官無吉士臣張能照